



Republika e Kosovës  
Republika Kosova-Republic of Kosovo  
Komuna e Prishtinës  
Pristina Obstina-Municipality of Pristina



**SEKTORI I PROKURIMIT - KABINETI I KRYETARIT**

Bazuar në nenin 108/A paragrafi 10 nënparagrafi 10.2 të Ligjit nr. 04/L-042 për Prokurimin Publik lidhur me nenin 60 të Ligjit nr. 05/L-068 për ndryshimin dhe plotësimin e Ligjit nr. 04/L-042 për Prokurimin Publik të Republikës së Kosovës, i ndryshuar dhe plotësuar me ligjin nr. 04/L-237 dhe me ligjin nr. 05/L-092, si dhe duke u bazuar në nenin 61.3. lidhur me nenin 62 paragrafi 62.1 nënparagrafi d) si dhe nenin 63 paragrafi 63.1 nënparagrafi 63.1.1 të Rregullores (A01) nr. 001/2022 për Prokurimin Publik, duke vendosur sipas kërkesës për rishqyrtim të OE “Vector Pest Control Sh.P.K.” të datës 16.07.2024 kundër njoftimit mbi vendimin të datës 12.07.2024 për anulimin e aktivitetit të prokurimit me titull “34 Dezinsektimi hapësinor në Komunën e Prishtinës” me nr. të prokurimit 616-24-4214-2-1-1, Komuna e Prishtinës (autoriteti kontraktues) përmes zyrtarit përgjegjës të prokurimit nxjerr këtë:

## V E N D I M

- I. **REFUZOHET** kërkesa për rishqyrtim e OE “Vector Pest Control Sh.P.K.” të datës 16.07.2024 kundër njoftimit mbi vendimin të datës 12.07.2024 për anulimin e aktivitetit të prokurimit me titull “34 Dezinsektimi hapësinor në Komunën e Prishtinës” me nr. të prokurimit 616-24-4214-2-1-1.
- II. **MBETET NË FUQI** njoftimi mbi vendimin e datës 12.07.2024 për anulimin e aktivitetit të prokurimit të përcaktuar si në pikën I të këtij vendimi.
- III. **NJOFTOHEN** palët e interesuara lidhur me këtë vendim përmes publikimit në platformën elektronike E-Prokurimi në adresën <https://e-prokurimi.rks-gov.net>.
- IV. Vendimi hyn në fuqi në ditën e nënshkrimit.

### Arsyetim

OE “Vector Pest Control Sh.P.K.” (tutje “parashtruesi”) me datë 16.07.2024 ka paraqitur kërkesë për rishqyrtim kundër njoftimit mbi vendimin të datës 12.07.2024 për anulimin e aktivitetit të prokurimit me titull “34 Dezinsektimi hapësinor në Komunën e Prishtinës” me nr. të prokurimit 616-24-4214-2-1-1.

Gjatë shqyrtimit paraprak të kërkesës për rishqyrtim të parashtruesit është gjetur se kërkesa është e lejuar dhe është parashtruar brenda afatit nga personi i autorizuar si dhe nuk ekzistojnë pengesa tjera për të shqyrtuar kërkesën e parashtruesit. Në këtë mënyrë janë plotësuar kushtet për të vazhduar me shqyrtimin meritor (*in meritu*) të kërkesës.

**Pretendimet ankimore të parashtruesit:** "Ne dëshirojmë të ju njoftojmë se jemi bashkuar si Grup i Operatorëve Ekonomik për të përmbushur dhe plotësuar njëra tjetrën, ashtu siç edhe është e përcaktuar në Ligjin e Prokurimit Publik në Republikën e Kosovës. Arsyetimi juaj në vendimin B58 me arsyet e eliminimit është në kundërshtim me kriteret e përzgjedhjes dhe rrjedhimisht është i pa pranueshëm, diskriminues, skandaloz si dhe shkelje e dispozitave të nenit 56 paragrafi 3, Ligjit të Prokurimit Publik si dhe nenit 40 paragrafi 40.2,40.12,40.13 i RROUP 01/2022 ngase nuk keni të drejtë të aplikoni kritere shtesë të pa parapara në Njoftimin për Kontratë dhe Dosjen e Tenderit. Rrjedhimisht, ju nuk keni kërkuar se në rast të Grupit të Operatorëve Ekonomik duhet ta përmbush secili anëtar. Pra ju tentoni eliminimin për diçka që nuk ka qenë kërkesë e NJK dhe DT. Ju si GOE-ik Po ashtu, njëjet keni vepruar edhe me kërkesën tjetër: Pika 4. Leja për importim të produkteve biocide nga MMPH- Dëshmia e kërkuar: 4. Kopje e Lejes për importim të produkteve biocide preparatet duhet të jenë konform lejës së importit. Anëtar i I-re GOE-ik ka dorëzuar Akt-Autorizimit të produktit Biocid nga Ministria e Shëndetësisë dhe Mbrojtjes Sociale të Republikës së Shqipërisë, e që është në kundërshtim me kërkesën e cila është që leja e importit të produkteve biocide duhet të jetë nga MMPH Republika e Kosovës. Ju si GOE-ik Po ashtu nuk keni vepruar konform kërkesave të DT-se kërkesat e përshtatshmerisë profesionale pika 5. Operatori Ekonomik duhet të jetë i certifikuar me ISO standart 9001 2015, 14001 2015, 45001 2018.-Dëshmia e kërkuar- 5. Kopja e certifikatave valide dhe të noterizuara, Anëtar i III-të i GOE-ik nuk ka dorëzuar fare dokumentacionin e kërkuar për këtë pikë të kërkesës. Andaj për arsye të cekura më lartë jeni eliminuar nga ky Aktivitet i Prokurimit".

Lidhur me pretendimet ankimore fillimisht duhet sqaruar se sipas letrës standarde për tenderuesin e eliminuar, parashtruesi është shpallur si tenderues i papërgjegjshëm dhe është eliminuar nga aktiviteti i prokurimit për arsye si në vijim:

#### ARSYETIM

Tenderi juaj është refuzuar për këto arsye:

- Ju si GOE-ik nuk keni plotësuar kriteret e përcaktuara në Njoftimin për kontratë dhe Dosje të tenderit në Kërkesat e përshtatshmerisë profesionale Neni 7.1 & 7.2 Përshtatshmeria profesionale: **pika 3. Operatori Ekonomik duhet të jetë i licencuar nga MBZHR për kryerjen e shërbimeve për DDD brenda territorit të Republikës së Kosovës – Dëshmia e kërkuar: 3. Kopja e licencës valide., Ju si GOE-ik me rastin e dorëzimit të ofertës për këtë pikë nuk keni dorëzuar Licencën siç është kërkuar në DT dhe njoftim për kontratë. Anëtar i I-re i GOE-ik ka dorëzuar licencën me nr: LN 4157-11-2011 - NUIS/NIPT: L13426006B me citat nga Leja në fjale "Vendi i kryerjes së veprimtarisë" - " Në të gjithë territorin e Republikës së Shqipërisë" GOE-ik ka vepruar në kundërshtim me kërkesën tek pika 3.**
- Ju si GOE-ik Po ashtu, njëjet keni vepruar edhe me kërkesën tjetër; **Pika 4. Leja për importim të produkteve biocide nga MMPH – Dëshmia e kërkuar: 4. Kopje e Lejes për importim të produkteve biocide preparatet duhet të jenë konform lejës së importit. Anëtar i I-re i GOE-ik ka dorëzuar Akt të Autorizimit të produktit Biocid nga Ministria e Shëndetësisë dhe Mbrojtjes Sociale të Republikës së Shqipërisë, e që është në kundërshtim me kërkesën e cila është që leja e importit të produkteve biocide duhet të jetë nga MMPH Republika e Kosovës.**
- Ju si GOE-ik Po ashtu nuk keni vepruar konform kërkesave të DT-se kërkesat e përshtatshmerisë profesionale **pika 5. Operatori Ekonomik duhet të jetë i certifikuar me ISO standard 9001 2015, 14001 2015, 45001 2018. - Dëshmia e kërkuar - 5. Kopja e certifikatave - valide dhe të noterizuara., Anëtar i III-të i GOE-ik nuk ka dorëzuar fare dokumentacionin e kërkuar për këtë pikë të kërkesës. Andaj për arsye të cekura më lartë jeni eliminuar nga ky Aktivitet i Prokurimit.**

Pas administrimit me ofertën e parashtruesit është gjetur se të gjitha konstatimet dhe të gjeturat e komisionit vlerësues janë të sakta dhe të bazuara në tërësi. Në anën tjetër nga analizimi i pretendimeve ankimore rezulton se të gjeturat e komisionit vlerësues parimisht nuk kontestohen as nga vet parashtruesi. Megjithatë parashtruesi e konteston faktin se kërkesat e përshtatshmërisë në dosjen e tenderit nuk ka nevojë që të plotësohen nga të gjithë anëtarët e GOE por mjafton që të përmbushen vetëm nga njëri anëtar i GOE.

Lidhur me këtë fakt duhet cekur nenin 26.4 të RRPP përmes të cilit është përcaktuar se "Secili anëtarë i grupit duhet të përmbush kërkesat e përshtatshmërisë, neni 65 i LPP-se". Sa i përket interpretimit të KRPP që e potencon parashtruesi duhet cekur se ky interpretim është kërkuar nga vet parashtruesi në mënyrën e formularit sipas dëshirës së parashtruesit. Rrjedhimisht KRPP interpretimin e ka dhënë për dispozita tjera të LPP dhe jo për nenin 26.4 të RRPP lidhur me nenin 65 të LPP. Përndryshe sa i përket nenit 26.4 të RRPP lidhur me nenin 65 të LPP, OSHP ka nxjerrë disa vendime ku ka konfirmuar se kërkesat e përshtatshmërisë duhet të përmbushen nga të gjithë anëtarët e GOE dhe këto kërkesa nuk aplikohen ndaj GOE si tërësi. Prandaj pretendimet janë të pabazuara.

Nga sa u tha më sipër është gjetur se parashtruesi nuk ka paraqitur argumente të qëndrueshme për të mbështetur pretendimet e tij. Prandaj kërkesa për rishqyrtim e parashtruesit është refuzuar si e pabazuar në tërësi.

Për pikën I dhe II të këtij vendimi është vendosur duke u bazuar në nenin 63 par. 63.1.1. nënparagrafin b) lidhur me nenin 62 par. 62.1. nënparagrafin d) të Rregullores nr. 001/2022 për Prokurimin Publik.

Për pikën III dhe IV të këtij vendimi është vendosur duke u bazuar në nenin 63 par. 63.2. të Rregullores nr. 001/2022 për Prokurimin Publik.

Bazuar në të thënat më sipër është vendosur si në dispozitiv të këtij aktvendimi.

**Prishtinë, 23.07.2024**

**Visar SHEHU**  
  
Udhëheqës i Sektorit të Prokurimit  
Komuna e Prishtinës

#### **Këshillë juridike:**

Pala e pakënaqur me këtë vendim mund të paraqes ankesë pranë Organit Shqyrtues të Prokurimit brenda afatit prej dhjetë (10) ditëve pas pranimit të këtij vendimi.